



**Routeblaan Faasnacht 2009 „Jetzt simmer laggiert“**

**Sunntig: Mer dangge fir dr Apéro !**

18:00 h Apéro in dr Aesche-Passage und drnoo Stäggeladäärnli yypfiffe

**Mäntig: Dr Rolf vo Schwelleme fiert ys duur d Stadt**

03.00 Es git e freiwilligs Zmoorgen im Bücheli uff dr Lyss  
 03.45 Mer wurde denn langsam uffhöre schnädere und versueche yyzstoo, Egge Blumerain und Petersgass  
 03.57 E letschte Tescht , Pfiffebutzer duss, s`Lämppli brennt und....  
 04.00 Moorgestraich vorwärts Maarsch  
 04.01 Mir sueche dr richtig Wääg, und wenn mir denn die richtigi Abzwigig gfunde hän, gits denn am.....  
 05.30 en erschi Zwischeverpfläägig, worscheints uff em Schiff.  
 06.30 Mir luegen emol wie wyt mir no kemmen und leege denn nach dr erschten Etappen e längeri Pausen yy  
 13:45 Mir dräffen ys so langsam vor em oder im Schnabel je nach Wätter und dräffe d Vorberaitige fir die zwaiti Etappe.  
 14:15 Mir machen ys uf d Soggen und wandere dur d Wieschti vo ainer Tanggschtell zer Andere. Mer machen e baar längeri und kürzeri Hält wenn und wo mer wänn, beziehigswyys, wenn und wo ych will...  
 20.00 Nachtässen im Schnabel  
 22.00 Alli sind gstärngt drum goots jetzt quer duur d Bäarge vo dr Altstadt.  
 00.00 Nach dr letschte Bäärgetappe denn ändlig am Ziil bsueche mir d Glyggekäller im Pfäffergässli oder wenn mir uns ganz veriirt hän halt aifach die Andere Ych ibergib s Zepter offiziell und fyrilig em Zyschdigsdaagescheff.  
 Fir spontani Träffe wähl aifach 079/3104679, wenn y grad am drummlle wär, wurd y zrugglytte so rasch es goot.

**Zyschtig: Dr Laurent fiert mit orientalischem Gschigg durch d'Gasse**

13:30 s'Harem versamled sich vor oder im Schnaabel  
 14:00 Abmarsch, uff e Händlermärkt und yber d'Brugg  
 15:15 Mir tränngge d'Kammel am Fluss bi dr Kasärne, wie allewyyl organisiert vo dr Doris  
 16:00 d'Karavane marschirt chrüz und quer durch d'Wieschti vo Chleibâle und macht anere Oase halt  
 17:00 Mir bewundere d'Stärmelüüchte vo dr Nacht (Ladärneusstellig bim Minschter)  
 18:00 gohts wyyter damit mir 18:15 d'Nichte vo dr Cecile am Fischmärkt ufflade kenne  
 18:45 no rasch e GT am Barfi wo mir im bunte triebe vo dr Wieschti chöne zueluege  
 19:15 Wyyter gohts zem Lagefüührli via Spaletoor zem If d'Or  
 22:00 Abmarsch vor dr Baiz, rundum im Bermudadreyegg  
 24:00 bis unsri Kameel nim kenne bsueche mir no d'Beduine in de verschiedene Chäller



**Mittwuch: Dr Andi fiert uns duur d Faasnachtswieschti**

13:30 Mir fillen unseri Eelfässli, drmit mir gnue Energie fir e lange Daag hän  
 14:00 Bi wonderscheenem Sunneschyyn gässle mir deert wo niemer isch  
 16:00 Am Barfi luege mir, was sich usser uns suscht no uf dr Strooss bewegt  
 17:15 Bim Stadthof goots wyter, so lang wie d Scheiche (Mz.vo Scheich) meege  
 18:00 Es git sicher naimen ebbis z Dringge  
 18:45 Mir gän nomool alles, dass mir denn au richtig Hunger hän  
 20:00 Jetz gits im „Rubino“ am Luftgässli ebbis zwische d Bisser  
 22:00 Yystoo und Abmaarsch Richtig Määrtplatz  
 00:00 Mir bsueche d Glyggekäller am Pfäffergässli  
 01:00 Gryz und quer duur d Innerstadt  
 04:00 Zum Abschluss gniesse mir Lääberli oder ebbis Zmoorge – Adie Faasnacht!

